

Leano la Ditokelo tsa Botho Sebakeng sa Tshebetso la PepsiCo

PepsiCo e hlompha seriti sa basebetsi ba rona sebakeng sa tshebetso mme re sebeletsa ho netefatsa ditokelo tsa basebetsimmoho le rona tsa thireletseho, sebaka sa tshebetso se bolokehileng, se hlwekileng mme se nang le bophelo bo botle, le bolokolohi kgahlanong le tlikefetso ya mofuta ofe kapa ofe.

Re sebetsana ka toka le ka botshepehi le basebetsimmoho le rona mabapi le meputso, dihlapiso le maemo a mang a kgiro, le ho ananela tokelo ya basebetsimmoho ba rona ya tokoloho ya boikamahanyo. Ha re sebedise batho ka tlamello kapa bana.

Ha re mamelle kgethollo mme re sebeletsa ho netefatsa menyetla e lekanang bakeng sa basebetsi bohle.

Re ikamahanya le melao, melawana e amehang, le maemo a mang kgiro, kae kapa kae moo re nang le tshebetso kapa re sebetsang teng.

Re kgothaletsa balekane ba rona, bafepedi ka thepa, bakonteraka le barekisi ho tshheheta maano ana mme re beha tumelo e kgolo hodima ho sebetsa le batho ba bang ba arolelanang le rona boikitlaetso ditokelong tsa botho.

Leano la Ditokelo tsa Botho la PepsiCo: Tataiso le Ditlhaloso

Tataiso

Meedi ya tshebetso: Leano le ama basebetsi bohle ba PepsiCo.

Bonyane ba Maemo: Ditshebetso tsohle tsa PepsiCo di tlameha ho ikamahanya le melao le melawana ya lehae. Leano lena le lokela ho latelwa moo ho se nang melao le melawana e lokelang.

Tlhahlobo-botjha: Hlakola 2009.

Ditlhaloso: Ditlhaloso tsena di lokela ho tolokwa mmoho le Setamente sa rona sa Ditumelo, Khoutu ya Boitshwaro, le maano a mang a amehang a PepsiCo kapa makala a yona jwalo ka phapang ya mehlobo, tikoloho, bophelo bo botle le polokeho, basebetsi, le maano a tshwaro ya basebetsi.

Ditokelo tsa botho di kenyeletsa dibaka tse tharo:

1. **Tlhompho:** tshireletseho ya motho; tokoloho kgahlanong le kgathatso le tlikefetso; bolokolohi ba boikamahanyo.
2. **Tekano:** menyetla e lekanang mabapi le dilemo, bong, morabe, mmala, bodumedi, bong, boitsehahatso ba bong, semelo sa botjhaba, tshekamelo dikamanong tsa thobalano, bokowa, boemo ba mohale wa maoba, maemo a boimana kapa ntlha efe kapa efe e nngwe e sireletswang ke molao wa naha, profensi kapa molao wa lehae o amehang.
3. **Seriti sa Mosebetsi:** maemo a tshebetso a nang le botho; bophelo bo botle le polokeho ya basebetsi; phediso ya tshebediso ya tlamello le ya bana.

Bolokolohi ba dikamano bo bolela hore: ka ho ipapisa le molao le leano le mekgwatshebetso ya khampani, basebetsi ba tla ba le tokelo ya ho bokana, ho buisana le ho kenela mekgatlo ya kgetho ya bona.

Phediso ya tshebetso e tlamellang e bolela hore: ha ho tshebetso e tlamellang kapa ya tjhankana, mme ha ho tshebediso ya kotlo ya ho shapa kapa ditshoso kapa ya sebopeho sefe kapa sefe se seng sa tlhokofatso mmeleng, ya thobalano, ya kelello kapa ya mantswe jwalo ka mokgwa wa kgalemo kapa taolo.

Phediso ya tshebediso ya bana e bolela hore: ha ho motho ya dilemo di ka tlase ho 15 ya tla hirwa bakeng sa morero ofe kapa ofe, ekaba bakeng sa nako yohle kapa nako e nngwe, ho kenyeletswa mosebetsi o lefuwang kapa o sa lefuweng.

Maemo a tshebetso a nang le botho a bolela hore: tokoloho ya tshebetso e bolokehileng, e nang le bophelo bo botle mme e hlwekileng e nang le ditsi tsa tshebetso tse bonesitsweng ho lekana, metsi a bolokehileng ho ka nowa, dibaka tse lekaneng tsa boithuso, dikgoro tsa ho pholoha ha mollo o qhoma, dikgetsi tsa thepa ya thuso maemong a tlokotsi le phallelo maemong a tlokotsi, ho kenyeletswa boraditimamollo, ba tsa tikoloho le ba bongaka.